


SAINT PAUL HMONG ALLIANCE CHURCH

September – October 2022



S.H.A.P.E SMALL GROUP

NTAWV KAWM

NTU 2: NTHUAV VAAJTSWV COV KOOBMOOV PUB RUA KUV



**NTU 2: NTHUAV VAAJTSWV COV KOOBMOOV PUB RUA KUV
VAAJTSWV COV KOOBMOOV YOG TUG YUMSIJ LUG UA VAAJTSWV COV HOMPHAJ**

CAUM KUAS CUAG

Qha koj paab small group txug ib yaam kws koj xaav tau rua peb lub sijhawm kawm zag nuav.

Qha ib yaam kws koj kawm tau rua thawj zag kws peb sis ntsib.

Thaam txug ib yaam khoomplig koj tau txais kws koj xaav tas yeej zoo kawg nkaus le. Qha saib vim lecaag yaam ntawd txhajle zoo tag tag le.

NQAI CIM

Vaajtswv tub pub koobmoov rua mej txhua tug lawm, yog le ntawd mej yuavtsum siv tej koobmoov kws mej tau ntawd kuas muaj nqes rua lwm tug. – 1 Petus 4 :10

SAIB DLAIM VIDEO NTU 2 (SESSION 2)

QHEB VAAJTSWV COV KOOBMOOV PUB RUA KUV

Cov kwvtij, qhov kws mej sau ntawv tuaj rua kuv has tas Vaaj Ntsujplig tug dlawbhuv pub koob moov rua peb nyag muaj nyag tswvyim. Nwgnuav kuv xaav kuas mej paub tseeb txug tej koobmoov ntawd.

– 1 Kaul. 12 :1

Vaajtswv tej koobmoov yog tug yumsij lug ua Vaajtswv cov homphaj kws Nwg yeej npaaj rua peb ua ntaag.

Peb yuavtsum totaub Vaaj Ntsujplig cov koobmoov kuas meej sub peb txhajle yuav ua tau Nwg teg dlejnum kuas zoo.

Vaaj Ntsujplig cov koobmoov TSI YOG:

- Vaaj Ntsujplig cov koobmoov rua koj TSI YOG koj cov coojpwm lossis mojaam. (Koj tug coojpwm zoo ib yaam le lub tshab kws paab thauj cov koobmoov nuav moog siv rua qhov txhua chaw).
- Vaaj Ntsujplig cov koobmoov rua koj TSI YOG koj cov peevxwm kws koj ib txwm txawj ua.
- Vaaj Ntsujplig cov koobmoov rua koj TSI YOG Vaaj Ntsujplig lub txiv kws txi nyob rua huv Kalatias 5).

Vaaj Ntsujplig qhov koobmoov YOG:

- Ib yaam peevxwm kws Vaajtswv pub rua koj
- Vaaj Ntsujplig muab pub rua txhua tug ntseeg lub sijhawm kws nwg txais yuav Tswv Yexus ua tug Tswv & Cawmseej
- Lug faib Vaajtswv txujkev hlab
- Lug txhawb hab txheem Tswv Yexus lub cev kuas muaj zug

Vaajtswv tub pub koob moov rua mej txhua tug lawm, yog le ntawd mej yuavtsum siv tej koob moov kws mej tau ntawd kuas muaj nqes rua lwm tug. – 1 Petus 4 :10 (NIV)

Vim lecaag Vaajtswv txhajle pub koobmoov saab ntsujplig nuav?

Vaaj Ntsujplig pub nyag muaj nyag tswvyim kuas suavdlawg txhaj sis paab tau. – 1 Kaul. 12 :7 (NIV)

Cov koobmoov ntawm saab ntsujplig TSI YOG lug siv koj lossis lug txhawb koj. Tej koobmoov nuav tsuas yog lug paab hab txhawb Tswv Yexus lub cev kws yog pawgntseeg.

Txhua tug ntseeg yeej tau txais cov koobmoov nuav.

... Vaajtswv pub nyag muaj nyag sab, ib leeg nyam lawm ib yaam. – 1 Kaul. 7 :7b

Vaajtswv yeej muab ib txuj koobmoov rua koj! Yog koj yog ib tug ntseeg lawm, Vaajtswv Txujlug yeej qha has tas koj muaj Vaaj Ntsujplig nyob rua huv koj, hab tej koobmoov ntawm saab ntsujplig yog lug siv rua Vaajtswv tau koobmeej.

Tug yumsij lug tshawb nrhav kuas tau koj tej koobmoov yog muaj ob feem :

1. Koj xaav saib koj tau yaam koobmoov dlaabtsi.
2. Moog sim ua dlejnum rua phaab kws ua rua koj muaj txujkev zoo sab tshaajplawg hab ua yaam num ntawd tav hlo.

Ca Vaajtswv Txujlug koj koj moog nrhav kuas tau koj cov koobmoov ntawd. Thov Vaajtswv kuas qha rua koj saib Nwg xaav kuas koj siv koj tej koobmoov ntawd lug ua Nwg teg dlejnum lecaag rua huv nplajteb nuav.

Cooblej ntau tug tshawb nrhav tau puab tej koobmoov lug ntawm tej dlejnum kws puab ua paab hab txhawb lwm leej lwm tug. Koj yimfuab paab hab txhawb lwm tug ces koj yeej yuav pum koj tej koobmoov xwb.

Lub homphaj kws sab tshaajplawg yog koj yuavtsum lug siv koj tej koobmoov saab ntsujplig lug hlub, paab, hab txhawb lwm tug.

Txawm yog kuv has tau txhua tsaav tuabneeg tej lug hab has tau cov timtswv ceebtsheej tej lug los yog kuv tsi muaj kev hlub, ces tej lug kws kuv has tau ntawd zoo le tej suab tswb tooj tswb hlau kws nrov nrov xwb. Txawm yog kuv yuav muaj lub tswvyim txawj qhuab qha; muaj txhua yaam kev txawj ntse, hab totaub txhua yaam kws tsi muaj tuabneeg paub; hab txawm yog kuv muaj kev ntseeg has tau kuas tej roob txaav tau moog rua lwm qhov, tabsis yog kuv tsi muaj kev hlub, ces kuv yeej tsi muaj nqes dlaabtsi hlo le. Txawm yog kuv yuav muab txhua yaam kws kuv muaj pub rua lwm tug, hab muab kuv lub cev rua luas hlawv los yog kuv tsi muaj kev hlub, ces yeej tsi muaj nqes dlaabtsi hlo le. – 1 Kaul. 13 :1-3 (NIV)

Taamsim nuav, koj paab hab txhawb lwm tug lossis koj tug kheej ?

3 Rooj Ntxab

1. Muab tuabneeg koobmoov sis pev – kuv cov koobmoov zoo dlua koj cov. Kuv qhov koobmoov kws qhuab qha lossis tshaajtawm zoo dlua koj qhov kws yog thov Vaajtswv lossis taabncuab.

Vaajtswv Txujlug qha has tas yeej cheemtsum txhua feem nyob rua ntawm lub cev.

Yog le ntawd lub qhovmuag yuav has rua txhais teg has tas, “Kuv tsi yuav koj!” los yeej has tsi tau. Lossis lub taubhau yuav has rua txhais kutaw has tas, “Kuv tsi yuav koj!” los yeej has tsi tau ib yaam nkaus. Peb lub cev muaj qee yaam tsi tshua tseemceeb, tabsis yog tsi muaj tej ntawd peb yeej tsi tsheej tuabneeg; - 1 Kaul. 12:21-22. (NIV)

2. Yug tau yaam koobmoov twg ces yug xaav tas lwm tug tau yaam ntawd hab.

Peb yuavtsum txhawb kuas txhua tug tsuas ua le qhov kws Vaajtswv tsim nwg lug ua xwb. Tsi xob xaav tas txhua tug yuav zoo ib yaam le koj.

3. Tsi leeg paub tas yug tau yaam koobmoov ntawd vim yug tsi muaj lub meejmom ntawd – kuv tsi yog xwbfbw ces kuv tsi tau koobmoov ua xwbfbw.

Tsi xob xaav has tas koj yuavtsum lug tuav ib lub meejmom huv pawgntseeg ces koj txhajle muaj koobmoov ntawm saab ntsujplig.

Tsi xob tog kuas Vaajtswv qha meej hab tseeb rua koj es ca le pib moog paab & txhawb lwm tug. Koj paab small group yog qhov chaw kws zoo kawg nkaus kuas koj lug paab & txhawb lwm tug.

Xaus Lug : Koj tau txuj koobmoov twg ces koj yuavtsum lug ua dlejnum rua yaam ntawd hab pib sai le sai tau. Thaum kws koj ua le nuav, koj txhajle yuav tau txais kev zoo sab hab txaus sab phwj yawg. Vaajtswv yeej tsim koj lug paab hab txhawb lwm tug.

Ob leeg zoo dlua le ib leeg.

COV LUG NUG RUA KEV SIS THAAM UAKE

1. Vaajtswv yog tug kws pub koobmoov saab ntsujplig lug siv txhawb hab paab pawgntseeg kuas luj hlub hab moog ncaav lub nplajteb lug ntawm txuj moo zoo. Vim lecaag Paulaus tseem qha rua peb nyob rua huv 1 Kaul. 13 tas txujkev hlub tseem zoo tshaaj le tej koobmoov ntawm saab ntsujplig hab?

2. Vim lecaag txhaj tseemceeb heev kws peb yuavtsum lug paub tas peb cov koobmoov saab ntsujplig yog dlaabtsi? Tej koobmoov saab ntsujplig nuav txawv lecaag ntawm koj tug coojpwm lossis peevxwm?

3. Peb yuav ua lecaag txhajle hlaa dlhau cov rooj ntxab kws Erik qha txug? Koj xaav tas rooj ntxab twg yog rooj kws koj pheej raug tshaaj?

4. Koj puas paub tas koj cov koobmoov saab ntsujplig yog dlaabtsi? Yog koj paub lawm, qha rua koj paab small group hab qha saib koj twb siv cov koobmoov nuav ua dlejnum lecaag lawm.

5. Sis thaam saib Vaajtswv xaav kuas koj siv koj cov koobmoov saab ntsujplig lug paab hab txhawb lwm tug nyob rua huv koj paab small group le caag? Mej ib leeg yuav txhawb hab paab ib leeg lecaag?

UA NEEJ MUAJ HOMPHAJ

Paab & Txhawb Cov Ntseeg

Txujkev kws ua rua koj lug tshawb nrhav kuas tau koj tej koobmoov saab ntsujplig yog lug paab hab txhawb Yexus lub cev.

1. Yog taamsim nuav koj tseem tsi tau ua ib yaam num rua pawgntseeg, koj xaav tas koj yuav pib ua yaam twg lossis qhov twg?
2. Siv le ob peb feeb lug sis thaam hab tawm tswvyim txug tej yaam num kws koj ua tau paab pawgntseeg lossis paab small group. Tej yaam num nuav yuav paab rua koj tshawb nrhav koj tej koobmoov saab ntsujplig lecaag? Nuav yog cov pivtxwv lug rua mej saib hab koj mej kev sib thaam:
 - Paab zuv mivnyuas thaum pehawm Vaajtswv tom tuam tsev
 - Txaistog cov kws tuaj pehawm Vaajtswv
 - Muab tej ntaub ntawv paab txhawb rua cov ntseeg tshab
 - Paab tu tuamtsev tomqaab pehawm Vaajtswv taag
 - Nrhav tej paab lossis tej tug moog paab ua tej yaam num
 - Coj kev pehawm Vaajtswv lug ntawm hu nkauj lossis ntaus tej paaj nruag
 - Npaaj hab koj tej zaub mov moog rua tej tsevneeg kws muaj kev cheemtsu
 - Tsaav tsheb moog thauj lossis tog cov kws tsi muaj tsheb tuaj pehawm Vaajtswv
 - Paab ua dlejnum nyob rua huv pawgntseeg
 - Xaav saib puas muaj lwm yaam kws ncaaj rua koj tej koobmoov ntawm saab ntsujplig

THOV VAAJTSWV COJ TXUJ HAUVKEV

Ua Vaajtswv tsaug rua tej koobmoov saab ntsujplig rua koj thaum peb saamsim kawm rua 6 lub limtam nuav. Thov kuas Vaajtswv qha rua txhua tug kuas nwg paub yaam koobmoov twg Vaajtswv muab pub rua nwg lug ntawm qhov kws nwg moog pib sim ua tej yaam num paab rua pawgntseeg. Thov Vaajtswv kuas xob muaj ib leeg twg poob rua cov rooj ntxab kws peb kawm nyob rua zaaj nuav.

COJ MOOG UA

Thaum kws nyeem txug cov koobmoov saab ntsujplig nuav, xaav txug yaam num kws koj twb tau ua yaav dlhau lug lawm. Khij qhov kws “muaj” yog koj xaav tas koj muaj yaam ntawd; khij qhov kws “tej zag” yog koj xaav tas tej zag koj muaj; khij qhov “tsi muaj” yog koj xaav tas koj tsi muaj yaam koobmoov saab ntsujplig ntawd.

KOOBMOOV KWS QHA VAAJTSWV TXUJLUG

QHUABQHA (Preaching) ("qha tej yuav tshwm lug")

Muaj peevxwm muab Vaajtswv Txujlug lug qha suavdlawg hab hloov tau suavdlawg lub sab. Muaj lub peevxwm yaam kuas tau suavdlawg ua le Vaajtswv lub sab nyam.

Muaj **Tej Zag** **Tsi Muaj**

TXAWJ QHA KUAS TUABNEEG LUG NTSEEG (Evangelism)

Muaj peevxwm qha Txuj Moo Zoo kws has txug Yexus Khetos rua cov tsi tau ntseeg; tsi yog yuav qha saib tsi taug puab txuj kev ntseeg, txob thum puab lossis hem puab. Muaj lub peevxwm paub has tas thaus twg yog zoo sijhawm qha Txuj Moo Zoo, hab thaus twg tsi yog sijhawm zoo qha. Hab muaj peevxwm coj tuabneeg lug ntseeg Yexus.

Muaj **Tej Zag** **Tsi Muaj**

MOOG XAA MOO ZOO (Missions)

Muaj peevxwm yooq tau lwm haiv tuabneeg tej kev coj noj coj ua hab muaj peevxwm hloov tau puab tej kev cai coj noj coj ua ntawd kuas lawv le cov ntseeg Yexus tej kevcai. Hab muaj peevxwm coj tau tuabneeg txawv tebchaws lug ntseeg Yexus.

Muaj **Tej Zag** **Tsi Muaj**

TIMTHAWJ (Apostle)

Muaj peevxwm tsim tsaa pawg ntseeg tshab hab cob qha kuas puab ua tau ib pawg ntseeg hab luj hlub.

Muaj **Tej Zag** **Tsi Muaj**

KOOB MOOV KWS QHA VAAJTSWV TSAAV TUABNEEG

COB QHA (Teaching)

Muaj peevxwm cob qha Vaajtswv cov tuabneeg lug ntawm kev txhais Vaajtswv Txujlug kuas meej hab muab Vaajtswv Txujlug cob rua puab ua lawv le puab kawm. Muaj peevxwm cob qha cov ntseeg kuas ua tau Vaajtswv dlejnnum.

Muaj **Tej Zag** **Tsi Muaj**

TXHAWBZUG (Encouragement)

Muaj peevxwm txhawb cov ntseeg kuas ua tau lub neej le Vaajtswv Txujlug qha. Thaus cov ntseeg yuam kev moog ntseeg tej yaam tsi tseeb lawm, nwg muaj peevxwm txhawb kuas puab rov lug ntseeg yaam kws yog lawv le txuj kev ntseeg Vaajtswv tag. Hab muaj peevxwm txhawb kuas lwm tug ua tau tej num kws puab muaj peevxwm ua.

Muaj **Tej Zag** **Tsi Muaj**

KEV NTSE (Wisdom)

Muaj peevxwm totaub Vaajtswv dlejsab rua kev ua neej, hab qha tau yaam kws nwg paub ntawd rua lwm tug kuas lwm tug totaub hab. Nwg muaj peevxwm txhais hab qha lwm tug saib puab yuav ua dlaabtsi txhaj zoo hab yuav ua lecaag txhaj zoo.

Muaj Tej Zag Tsi Muaj

PAUB YAAM PHEM YAAM ZOO (Discernment)

Muaj peevxwm paub qhov yog hab qhov tsi yog, qhov cuav hab qhov tseeb, hab paub muab Vaajtswv Txujlug lug qha tau qhov tseeb rua suavdlawg. Muaj peevxwm paub has tas tej lug ntawd yog lug ntawm Vaajtswv lug losis lug ntawm dlaab lug, lossis lug ntawm tuabneeg lug xwb.

Muaj Tej Zag Tsi Muaj

KEV TXAWJ (Knowledge)

Muaj peevxwm tshawb tau tej yaam tseemceeb lug rua suavdlawg saib; muab tso tau ua ke rua suavdlawg pum, muab faib kuas muaj quag rua suavdlawg totaub. Hab muaj peevxwm nrhav tej lub tswvyim lug ua kuas tej tug tswvcuab hab pawg ntseeg txawj ntseeg Vaajtswv. Muaj peevxwm paub tej yaam kws yuav paab pawg ntseeg txav txim sab ua tej yaam dlejnum luj hab tseemceeb.

KOOB MOOV KWS QHA VAAJTSWV TXUJKEV HLUB

QHA & COJ TUABNEEG UA NUM ZOO (Administration)

Muaj peevxwm muab tej yaam khoom hab coj tuabneeg koom uake lug ua dlejnum kuas tav rua qhov zoo.

Muaj Tej Zag Tsi Muaj

THAWJCOJ (Leadership)

Muaj peevxwm tsim zeemmuag, txhawb kuas muaj kev luj hlub saab ntsujplig, hab siv tswvyim lug ua kuas Vaajtswv tej homphaj tav moog rua qhov zoo.

Muaj Tej Zag Tsi Muaj

CEV VAAJTSWV LUG (Prophecy)

Muaj peevxwm lug qha Vaajtswv tej lug nplig, txhawb, coj, ceebtom, lossis nthuav tej kev txhum kuas muaj kev thimxaav hab luj hlub ntawm saab ntsujplig.

Muaj Tej Zag Tsi Muaj

KEV NTSEEG (Faith)

Muaj peevxwm rhais kaujruam lug ntawm txujkev ntseeg sub txhajle pum Vaajtswv tej homphaj ua tav, hab tso sab plhuav rua Vaajtswv lug dlaws txhua yaam kws yuav lug taabkaum tegnum ntawd

Muaj Tej Zag Tsi Muaj

UA VAAJTSWV DLEJNUM (Service)

Muaj peevxwm paub has tas pawg ntseeg tuncua dlaabtsi, hab ca le nqeg teg moog paab yaam tsi yuav leejtwg qhuas yug le.

Muaj Tej Zag Tsi Muaj

ZAAM TXIM (Mercy)

Muaj peevxwm paub has tas leejtwg muaj kev nyuaj sab hab ca le moog txhawb cov tuabneeg kws muaj kev nyuaj sab ntawm lub zug.

- Muaj Tej Zag Tsi Muaj

TXAISTOG QHUA (Hospitality)

Muaj peevxwm txais tog hab sis raug zoo nrug cov tuabneeg kws yug tsi paub. Pum tej tuabneeg tuncua yaam twg, nwg zoo sab quas hlo paab.

- Muaj Tej Zag Tsi Muaj

XWBFWB (Pastoring/Shepherding)

Muaj peevxwm paab cov ntseeg hab cob qha kuas paub ua tau Vaaitswv teg dlejnum. Muaj peevxwm paab kuas tej paab pawg ntseeg miv miv luj hlub rua paub txuj kev ntseeg hab ua tau Vaaitswv teg dlejnum. Nwg nyam ua num pub rua lwm tug hab nrhav kev ua kuas pawg ntseeg luj hlub.

- Muaj Tej Zag Tsi Muaj

PUB (Giving)

Muaj peevxwm paab nyaj rua Vaaitswv teg dlejnum tshaaj le 10% kws suavdlawg naj nub tso. Nwg muaj peevxwm khwv nyaj hab txuag nyaj kuas paab tau Vaaitswv teg num.

- Muaj Tej Zag Tsi Muaj

KOOB MOOV LUG QHUAS HAB PEHAWM VAAJTSWV**SUAB NKAUJ (Music)**

Muaj lub peevxwm kws pehawm Vaaitswv lug ntawm kev ntaus suab nkauj, hu nkauj zoo, lossis coj cov ntseeg pehawm Vaaitswv.

- Muaj Tej Zag Tsi Muaj

TXUA KHOOM (Arts and Crafts)

Muaj lub peevxwm tsim hab khu kuas qhov chaw pehawm Vaaitswv yog ib qhov chaw zoo nkauj kws yuav ua rua Vaaitswv tau koob meej.

- Muaj Tej Zag Tsi Muaj

4 YAAM KOOB MOOV NTSIG TXUG KEV THOV VAAJTSWV**THOV VAAJTSWV (Intercession)**

Muaj lub peevxwm lug thov Vaaitswv rua tej kws lwm tug xaav tau. Nwg tsi yog thov ib zag lossis thov luv luv xwb, taabsis nwg siv sijhawm thov ntev hab naj nub thov. Nwg tsi tso kev ntseeg tseg txug thaus nwg tau txais le nwg thov.

- Muaj Tej Zag Tsi Muaj

KHU MOB (Healing)

Muaj peevxwm thov Vaaitswv rua cov tuabneeg kws muaj mob hab Vaaitswv los yeej teb nwg tej lug thov. Nwg muaj peevxwm paub has tas Vaaitswv pum zoo yuav teb yaam twg hab nwg thov yaam kws Vaaitswv yuav teb nwg ntawd.

- Muaj Tej Zag Tsi Muaj

TXUJCI TSEEMCEE (Miracles)

Muaj peevxwm thov Vaajtswv rua tej yaam kws nyuaj tshaaj le tuabneeg lub peevxwm yuav ua tau, txawm le ntawd los Vaajtswv kuj tseem teb nwg lawm hab.

- Muaj Tej Zag Tsi Muaj

HAS LUG TXAWV TXAWV/TXHAI S LUG TXAWV TXAWV (Tongues/Interpretation)

Muaj peevxwm thov Vaajtswv ua lug txawv txawv kws Vaajtswv txhaj le totaub xwb, hab lub peevxwm kws txawj txhais cov lug txawv txawv ntawd.

- Muaj Tej Zag Tsi Muaj

Teev yaam koobmoov saab ntsujplig kws koj xaav tas koj muaj

- 1. _____
- 2. _____
- 3. _____
- 4. _____
- 5. _____
- 6. _____
- 7. _____
- 8. _____

Xaav saib koj yuav ua dlaabtsi txhajle yuav siv tej yaam koobmoov nuav lug paab & txhawb lwm tug sub koj txhajle yuav paub meej tas koj yaam koobmoov yog yaam twg tag.

Koj muab yaam kws koj tau teev rua nplooj nuav moog sau rua koj qhov S.H.A.P.E. Profile.